

**«ՇԻՐԱԿԻ ՄԱՐԶԻ ԼՈՒՍԱԿԵՐՏԻ ՀԱՄԱՅՆՔՈՒՄ ԻՐԱԿԱՆԱՑՎԱԾ ՎԱՐՉԱԿԱՆ
ՀՍԿՈՂՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ**

21.06. 2013թ.

գ. Լուսակերտ

Համաձայն «տարածքային կառավարման նախարարի 2012 թվականի դեկտեմբերի 28-ի «Վարչական հսկողության 2013 թվականի աշխատանքային ծրագիրը հաստատելու մասին» թիվ 190-Ա հրամանի և ի կատարումն «Շիրակի մարզպետի 2013 թվականի մայիսի 29-ի «Հայաստանի Հանրապետության Շիրակի մարզի Լուսակերտի համայնքում վարչական հսկողություն իրականացնելու մասին» թիվ 45 կարգադրության, աշխատանքային խումբը մասնակցությամբ՝ «Շիրակի մարզպետարանի աշխատակազմի ՏԻ և ՀԳՄՎ վարչության պետ Կառլեն Աբրահամյանի /խմբի ղեկավար/, «Շիրակի մարզպետարանի աշխատակազմի քաղաքաշինության վարչության ճարտարապետաշինարարական բաժնի գլխավոր մասնագետ Հուրիկ Մարտիրոսյանի /խմբի անդամ/, «Շիրակի մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի գլխավոր մասնագետ Գագիկ Հարությունյանի /խմբի անդամ/, «Շիրակի մարզպետարանի աշխատակազմի հողաշինության և հողօգտագործման բաժնի /մարզային հողային պետական տեսչության/ գլխավոր մասնագետ Արտյոմ Սարգսյանի /խմբի անդամ/, «Շիրակի մարզպետարանի աշխատակազմի ՏԻ և ՀԳՄՎ վարչության ՏԻ և ՀԾԸ բաժնի առաջատար մասնագետ Նաիրա Մարտիրոսյանի /խմբի անդամ/, «Շիրակի մարզպետարանի աշխատակազմի ֆինանսական և սոցիալ-տնտեսական զարգացման վարչության ֆինանսատնտեսագիտական բաժնի առաջատար մասնագետ Արմեն Հարությունյանի /խմբի անդամ/, «Շիրակի մարզպետարանի աշխատակազմի քաղաքաշինության վարչության բնակարանային և ենթակառուցվածքների գործունեության բաժնի առաջատար մասնագետ Սարգիս Մելոյանի /խմբի անդամ/, ինչպես նաև «Շիրակի մարզի Լուսակերտի գյուղական համայնքի ղեկավար Սամվել Բալաբեկյանի, Լուսակերտի համայնքում իրականացրել է վարչական հսկողություն՝ 2010 թվականի մարտի 1-ից մինչև 2013 թվականի հունիսի 1-ն ընկած ժամանակաշրջանի համար:

ՎԱՐՉԱԿԱՆ ՀՍԿՈՂՈՒԹՅՈՒՆ

Վարչական հսկողությունը սկսվել է 2013 թվականի հունիսի 3-ին և ավարտվել՝ 2013 թվականի հունիսի 14-ին, արդյունքում պարզվել է հետևյալը՝

- 1) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 1-ին կետի՝ համայնքի նորընտիր ավագանին ընդունել է իր կանոնակարգը /2012 թվականի նոյեմբերի 29-ի թիվ 20-Ն/:
- 2) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 2-րդ կետի դրույթների՝ համայնքի ավագանին հաստատել է համայնքի 2011-2014թթ.զարգացման ծրագիրը /2011 թվականի հունվարի 17-ի թիվ 2-Ն/:

Համայնքի զարգացման քառամյա ծրագրով նախատեսված թվով 11 ծրագրային աշխատանքներից կատարվել են 5-ը, երկու հանդամասերը կապող կամուրջների, գյուղամիջյան կամուրջի, մարզահրապարակի կառուցման, հանգստի գոտու ստեղծման, հեղեղատարի մաքրման և հունների ամրացման, ներհամայնքային ճանապարհների վերանորոգման աշխատանքները չեն կատարվել:

- 3) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 3-րդ կետի դրույթների՝ համայնքի ավագանին 24.12.2010թ. թիվ 35-Ն, 12.12.2011թ. թիվ 35-Ն և 24.12.2012թ. թիվ 28-Ն որոշումներով հաստատել է համայնքի 2011, 2012 և 2013 թվականների բյուջեները:

Համայնքի ավագանին 25.01.2011թ. թիվ 5-Ն, 25.02.2012թ. թիվ 4-Ն և 20.02.2013թ. թիվ 4-Ն որոշումներով հաստատել է համայնքի 2010, 2011 և 2012 թվականների բյուջեների կատարման տարեկան հաշվետվությունները:

Համայնքի ավագանու 17.05.2010թ. թիվ 12-Ա, 25.01.2011թ. թիվ 4-Ն, 14.07.2011թ. թիվ 18-Ն, 05.08.2011թ. թիվ 20-Ն, 15.11.2011թ. թիվ 28-Ն, 23.01.2012թ. թիվ 2-Ն, 20.04.2012թ. թիվ 8-Ն, 22.10.2012թ. թիվ 18-Ն, 24.12.2012թ. թիվ 27-Ն և 24.01.2013թ. թիվ 2-Ն որոշումներով համայնքի բյուջեներում կատարվել են փոփոխություններ: Առանձին որոշումներում ճիշտ չեն սահմանվել ընդունված իրավական ակտերի բնույթի մասին՝ <<Ն>> /նորմատիվ/, <<Ա>> / անհատական/ տառերի նշումները /հիմք՝<<իրավական ակտերի մասին>> ՀՀ օրենքի 38-րդ հոդվածի 3-րդ մաս/:

- 4) Համայնքի ավագանին «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 4-րդ կետով սահմանված կարգով համայնքի բյուջեի կատարման նկատմամբ վերահսկողություն չի իրականացրել:

<<Տեղական ինքնակառավարման մասին>> ՀՀ օրենքի 69-րդ հոդվածի և <<Հայաստանի Հանրապետության բյուջետային համակարգի մասին>> ՀՀ օրենքի 35-րդ հոդվածի 1-ին մասի դրույթներին համապատասխան համայնքի ղեկավարը համայնքի բյուջեի կատարման վերաբերյալ եռամսյակային հաղորդումները սահմանված ժամկետներում է ներկայացրել ավագանու քննարկմանը /26.04.2010թ. թիվ 10-Ն, 22.07.2010թ. թիվ 17-Ն, 25.10.2010թ. թիվ 22-Ն, 22.04.2011թ. թիվ 10-Ա, 14.07.2011թ. թիվ 16-Ա, 21.10.2011թ. թիվ 26-Ա, 20.04.2012թ. թիվ 9-Ա, 23.07.2012թ. թիվ 13-Ա, 22.10.2012թ. թիվ 17-Ա և 12.04.2013թ. թիվ 7-Ա/:

Վերոնշյալ ժամանակահատվածում համայնքը վարկեր չի ստացել:

- 5) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 5-րդ կետի՝ համայնքի ավագանու 26.04.2010թ. թիվ թիվ 8-Ա, 9-Ա, 25.08.2010թ. թիվ 20-Ա, 14.12.2010թ. թիվ 33-Ա, 22.04.2011թ. թիվ 9-Ա, 15.11.2011թ. թիվ 29-Ա, 21.12.2011թ. թիվ 38-Ա, 22.08.2012թ. թիվ 15-Ա և 20.12.2012թ. թիվ 22-Ա որոշումներով դրամական օգնություններ են տրամադրվել համայնքի սոցիալապես անապահով ընտանիքներին:

- 6) Համայնքի ավագանու 2011 թվականի մարտի 4-ի թիվ 7-Ն որոշմամբ համայնքի սեփականություն համարվող S-70U մակնիշի թրթուրավոր տրակտորն /մեկնարկային գինը 72.000 դրամ/ օտարվել է աճուրդ վաճառքով:
- 7) Համայնքի ղեկավարի լիազորությունների իրականացման նկատմամբ համայնքի ավագանու կողմից վերահսկողություն չի իրականացվել:
- 8) Համայնքի ղեկավարի օրենքին և իրավական այլ ակտերին հակասող որոշումների դատական կարգով վիճարկումներ չեն եղել:
- 9) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 8-րդ կետի՝ համայնքի ավագանին 14.12.2010թ. թիվ 32-Ա, 05.12.2011թ. թիվ 32-Ա և 20.12.2012թ. թիվ 24-Ա որոշումներով սահմանել է համայնքի ղեկավարի վարձատրության չափը 2011, 2012 և 2013 թվականների համար:
- 10) Համայնքում բյուջետային հիմնարկներ, համայնքի մասնակցությամբ առևտրային և ոչ առևտրային կազմակերպություններ չլինելու պատճառով համայնքային բյուջետային հիմնարկների, համայնքի մասնակցությամբ առևտրային և ոչ առևտրային կազմակերպությունների ստեղծման, վերակազմակերպման կամ լուծարման մասին համայնքի ավագանու կողմից որոշումներ չեն կայացվել:
- 11) Համայնքում բյուջետային հիմնարկների և ոչ առևտրային կազմակերպությունների ղեկավարների թեկնածուներին համաձայնություն տալու վերաբերյալ համայնքի ավագանու կողմից որոշումներ չեն կայացվել, դրանց անհրաժեշտությունը չլինելու պատճառով:
- 12) Առևտրի, հասարական սննդի և սպասարկման ոլորտի գործունեության համայնքային կանոնների հաստատման վերաբերյալ «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 17-րդ կետի դրույթը հանված է:
- 13) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 18-րդ կետի դրույթների՝ համայնքի ավագանին 14.12.2010թ. թիվ 31-Ն, 05.12.2011թ. թիվ 31-Ն և 20.12.2012թ. թիվ 23-Ն որոշումներով սահմանել է տեղական տուրքերի և վճարների դրույքաչափեր՝ 2011, 2012 և 2013 թվականների համար: Առանձին որոշումների հղումները թերի են: Ավագանին պետք է ղեկավարվեր նաև «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 1-ին մասի 19-րդ կետի և «Տեղական տուրքերի և վճարների մասին» Հայաստանի Հանրապետության օրենքի 9-րդ, 10-րդ և 11-րդ հոդվածների դրույթներով: Բացի այդ, 14.12.2010թ. թիվ 31-Ն որոշման հավելվածի 5.1-րդ կետով սահմանված տեղական տուրքի դրույքաչափը չի համապատասխանում «Տեղական տուրքերի և վճարների մասին» Հայաստանի Հանրապետության օրենքի 10-րդ հոդվածի 5՝ կետով նախատեսված դրույքաչափի նորմին:

Որոշմամբ չի սահմանվել «Տեղական տուրքերի և վճարների մասին» Հայաստանի Հանրապետության օրենքի 8-րդ հոդվածի «դ» և «ե» կետերով

սահմանված վճարների դրույքաչափերը: Անհրաժեշտ էր սահմանել աղբահանության վճարի դրույքաչափեր՝ համաձայն «Աղբահանության և սանիտարական մաքրման մասին» Հայաստանի Հանրապետության օրենքի 14-րդ հոդվածի դրույթների:

- 14) Համայնքի կողմից մատուցվող ծառայությունների դիմաց գանձվող վճարների դրույքաչափերը սահմանելու վերաբերյալ համայնքի ավագանու կողմից որոշումներ չեն կայացվել:
- 15) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 20-րդ կետի դրույթների՝ համայնքի ղեկավարի 2011 թվականի ապրիլի 15-ի թիվ 6 որոշմամբ առաջարկություն է ներկայացվել համայնքի ավագանուն՝ համայնքի սեփականություն համարվող գույքն օտարելու մասին /համայնքի ավագանու որոշում՝ 04.03.2011թ. թիվ 7-Ն/:
- 16) Համայնքային նշանակության փողոցների, պողոտաների, հրապարակների, զբոսայգիների, համայնքային ենթակայության կրթական, մշակութային և այլ հիմնարկների ու կազմակերպությունների անվանման և վերանվանման վերաբերյալ համայնքի ավագանին որոշումներ չի կայացրել:
- 17) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 26-րդ կետի դրույթների՝ համայնքի ավագանին 15.11.2010թ. թիվ 24-Ա, 05.12.2011թ. թիվ 33-Ա և 20.12.2012թ. թիվ 25-Ա որոշումներով հաստատել է գյուղապետարանի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը՝ 2011, 2012 և 2013 թվականների համար: Որոշումներն ընդունելիս ավագանին պետք է ղեկավարվեր նաև «Համայնքային ծառայության մասին» Հայաստանի Հանրապետության օրենքի 9-րդ հոդվածի, «Իրավական ակտերի մասին» Հայաստանի Հանրապետության օրենքի 72-րդ հոդվածի 1-ին մասի 1-ին կետի «բ» ենթակետի դրույթներով, հիմք ընդունելով Հայաստանի Հանրապետության տարածքային կառավարման նախարարի 2006 թվականի նոյեմբերի 29-ի թիվ 55-Ա հրամանը և ուժը կորցրած ճանաչեր գյուղապետարանի աշխատակազմի թվաքանակը, հաստիքացուցակը և պաշտոնային դրույքաչափերը հաստատելու մասին նախորդ որոշումները:
Համայնքային ծառայության պաշտոնների մասով աշխատակազմի աշխատակիցների թվաքանակը և (կամ) հաստիքացուցակը հաստատելու, ինչպես նաև փոփոխելու և (կամ) լրացնելու, համայնքային ծառայության պաշտոնների անվանացանկում համապատասխան փոփոխություններ և (կամ) լրացումներ կատարելու նպատակով Հայաստանի Հանրապետության կառավարության լիազորած պետական կառավարման մարմնին դիմելու մասին համայնքի ավագանին որոշումներ չի կայացրել:
- 18) Համայնքի ավագանու կողմից չի հաստատվել բնակավայրի քաղաքաշինական կանոնադրությունը:
- 19) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 29-րդ կետի դրույթների՝ համայնքի ավագանին 24.12.2010թ. թիվ 36-Ա,

12.12.2011թ. թիվ 36-Ա և 24.12.2012թ. թիվ 29-Ա որոշումներով հաստատել է համայնքի սեփականության ամենամյա գույքագրման փաստաթղթերը՝ 2011, 2012 և 2013 թվականների համար:

1. Ֆինանսների բնագավառ

- 1) Լուսակերտի համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 1-ին մասի 1-ին կետի համաձայն կազմել և սահմանված ժամկետներում համայնքի ավագանու հաստատմանն է ներկայացրել համայնքի 2011-2013 թվականների բյուջեների նախագծերը՝ (համայնքի ավագանու որոշումներ 24.12.2010թ. թիվ 35-Ն, 12.12.2011թ. թիվ 35-Ն և 24.12.2012թ. թիվ 28-Ն), դրանում առաջարկվող փոփոխությունները (համայնքի ավագանու որոշումներ՝ 17.05.2010թ. թիվ 12-Ա, 25.01.2011թ. թիվ 4-Ն, 14.07.2011թ. թիվ 18-Ն, 05.08.2011թ. թիվ 20-Ն, 15.11.2011թ. թիվ 28-Ն, 23.01.2012թ. թիվ 2-Ն, 20.04.2012թ. թիվ 8-Ն, 22.10.2012թ. թիվ 18-Ն, 24.12.2012թ. թիվ 27-Ն և 24.01.2013թ. թիվ 2-Ն), եռամսյա հաղորդումները՝ (ավագանու որոշումներ՝ 26.04.2010թ. թիվ 10-Ն, 22.07.2010թ. թիվ 17-Ն, 25.10.2010թ. թիվ 22-Ն, 22.04.2011թ. թիվ 10-Ա, 14.07.2011թ. թիվ 16-Ա, 21.10.2011թ. թիվ 26-Ա, 20.04.2012թ. թիվ 9-Ա, 23.07.2012թ. թիվ 13-Ա, 22.10.2012թ. թիվ 17-Ա և 12.04.2013թ. թիվ 7-Ա), տարեկան հաշվետվությունները՝ (ավագանու որոշումներ 25.01.2011թ. թիվ 5-Ն, 25.02.2012թ. թիվ 4-Ն և 20.02.2013թ. թիվ 4-Ն):

Համաձայն «Տեղական ինքնակառավարման մասին» ՀՀ օրենքի 68-րդ և «ՀՀ բյուջետային համակարգի մասին» ՀՀ օրենքի 34-րդ հոդվածների՝ համայնքի 2010-2012թթ. բյուջեների կատարողականի տարեկան հաշվետվություններն ավագանին քննարկել և հաստատել է առանց աուդիտորական եզրակացության:

- 2) Համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 1-ին մասի 2-րդ կետի համաձայն տեղական տուրքերի և վճարների դրույքաչափերի սահմանման վերաբերյալ որոշման նախագծերը ներկայացրել է ավագանու հաստատմանը (ավագանու որոշումներ՝ 14.12.2010թ. թիվ 31-Ն, 05.12.2011թ. թիվ 31-Ն և 20.12.2012թ. թիվ 23-Ն):

- 3) Համայնքի ղեկավարը լրիվությամբ է իրականացրել «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.1 մասի դրույթով սահմանված՝ տեղական տուրքերի և վճարների, համայնքի վարչական սահմաններում գտնվող համայնքային և պետական սեփականություն համարվող հողերի, համայնքային սեփականություն համարվող գույքի վարձավճարների գանձումների կազմակերպման և վերահսկման վերաբերյալ պարտադիր լիազորությունները:

Ստուգված ժամանակաշրջանում 2010թ. համայնքի ճշտված բյուջեով նախատեսված 14,059.8 հազար դրամ եկամուտների դիմաց փաստացի մուտքը կազմել է 14,217.2 հազար դրամ: Եկամուտների պլանը կատարվել է 101.1 %-ով, կամ ավել է հավաքագրվել 157.4 հազար դրամ:

2011թ. համայնքի ճշտված բյուջեով նախատեսված 13,795.1 հազար դրամ եկամուտների դիմաց փաստացի մուտքը կազմել է 16,665.3 հազար դրամ: Եկամուտների պլանը կատարվել է 99.1 %-ով, կամ պակաս է հավաքագրվել 129.8 հազար դրամ:

2012թ. համայնքի ճշտված բյուջեով նախատեսված 14,151.4 հազար դրամ եկամուտների դիմաց փաստացի մուտքը կազմել է 14,153.5 հազար դրամ: Եկամուտների պլանը կատարվել է 100.0 %-ով, կամ ավել է հավաքագրվել 2.1 հազար դրամ:

2013 թվականի 5 ամիսներին համայնքի բյուջեով նախատեսված 5,461.4 հազար դրամ եկամուտների դիմաց փաստացի մուտքը կազմել է 5,412.5 հազար դրամ: Եկամուտների պլանը կատարվել է 99.1 %-ով, կամ պակաս է հավաքագրվել 48.9 հազար դրամ:

- 4) Համաձայն «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.2 մասի պահանջի, համայնքի ղեկավարի կողմից տեղական հարկեր, տեղական տուրքեր և վճարներ չվճարող անձանց նկատմամբ օրենքով սահմանված կարգով համապատասխան միջոցներ չեն կիրառվել:
- 5) Համայնքի կողմից մատուցվող ծառայությունների դիմաց գանձվող վճարների դրույքաչափերի սահմանման վերաբերյալ որոշման նախագծեր համայնքի ղեկավարը չի ներկայացրել ավագանու հաստատմանը:
- 6) Համայնքի ղեկավարը ստուգված ժամանակաշրջանում լրիվությամբ է ապահովել համայնքի բյուջեի եկամուտների ամբողջական կատարումը, ինչպես նաև տնօրինել համայնքի բյուջեի միջոցները:

Համայնքի վարչական բյուջե հավաքագրված գումարները հիմնականում ծախսվել են աշխատավարձերի, պարտադիր սոցիալական ապահովագրության վճարումների, էլեկտրաէներգիայի, կոմունալ վճարումների, համայնքի սոցիալապես անապահով ընտանիքներին դրամական օգնություն տրամադրելուն և այլ ծախսերի համար:

Համայնքի ֆոնդային բյուջեից ծախսվել են 2010թ.- 2,417.6 հազար դրամ, 2011թ. - 2,448.5 հազար դրամ և 2012թ.- 225.0 հազար դրամ:

2013թ. 5 ամիսներին համայնքի ֆոնդային բյուջեից գումարներ չեն ծախսվել:

2. Քաղաքաշինության և կոմունալ տնտեսության բնագավառ

- 1) Համայնքի ղեկավարի կողմից համայնքի գլխավոր հատակագծի ու հողերի գոտիավորման և օգտագործման սխեմաներ, գոտիավորման այլ փաստաթղթեր չեն կազմվել:
- 2) Համայնքի ղեկավարի կողմից քաղաքաշինական կադաստրի սահմանված կարգով վարման և համայնքի քաղաքաշինական կանոնադրության կազմման վերաբերյալ որոշումներ չեն ներկայացվել համայնքի ավագանու հաստատմանը:
- 3) Համայնքում միջավայրի քաղաքաշինական փոփոխություններ, կառուցապատողներին ճարտարապետահատակագծային առաջադրանքի տրամադրման,

ճարտարապետաշինարարական նախագծերի համաձայնեցման գործընթացներ չեն իրականացվել:

- 4) Համայնքի ղեկավարի կողմից շինարարության (քանդման) թույլտվություն չի տրամադրվել:
- 5) Համայնքի ղեկավարի կողմից ավարտված շինարարության շահագործման փաստագրման ակտեր չեն ձևակերպվել:
- 6) Համայնքում ինքնակամ շինարարության իրականացման դեպքեր չեն հայտնաբերվել:
- 7) Համայնքի ղեկավարի կողմից շենքերի և շինությունների նպատակային օգտագործման և պահպանման, կառուցապատողներին տրված ճարտարապետահատակագծային առաջադրանքով, համայնքի քաղաքաշինական կանոնադրությամբ սահմանված պահանջների կատարման նկատմամբ սահմանված կարգով վերահսկողություն իրականացնելու վերաբերյալ որոշումներ չեն կայացվել:
- 8) Համայնքի ղեկավարի կողմից իրականացվել է համայնքային սեփականություն համարվող շենքերի ու շինությունների հաշվառում, կազմվել է սեփականության ամենամյա գույքագրման փաստաթղթերը և ներկայացվել է համայնքի ավագանու հաստատմանը:
- 9) Համայնքի ղեկավարի կողմից համայնքի քաղաքաշինական կանոնադրությանը համապատասխան արտաքին գովազդ տեղադրելու թույլտվություն չի տրամադրվել:
- 10) Համայնքի ղեկավարի կողմից համայնքային սեփականություն համարվող ներհամայնքային հաղորդակցության ուղիների, ջրմուղի, կոյուղու, ոռոգման ու ջեռուցման ցանցերի և այլ կառուցվածքների շահագործման կազմակերպման և կառավարման վերաբերյալ գործառույթներ չեն իրականացվել:
- 11) Համայնքում չկան բազմաբնակարան բնակելի շենքեր: Այդ իսկ պատճառով համապատասխան գործառույթներ չեն իրականացվել:

3. Հողօգտագործման բնագավառ

- 1) Լուսակերտի գյուղական համայնքը համապատասխան ֆինանսական միջոցների բացակայության պատճառով կառավարության սահմանված կարգով կազմված հողերի գոտիավորման և օգտագործման սխեմա չունի:
- 2) Լուսակերտի համայնքային սեփականություն հանդիսացող գյուղատնտեսական նշանակության հողերը կազմում են ընդամենը 398.79հա, այդ թվում՝ վարելահող-274.4հա, արոտ-119.41հա և այլ հողեր-4.98հա:

Գյուղապետարանում առկա էր համայնքային սեփականություն հանդիսացող գյուղատնտեսական նշանակության հողերի համար կնքված և պետական գրանցման ենթարկված 270 վարձակալության պայմանագրեր 232.42հա վարելահողերի համար՝ 1371.3հազ.դրամ վարձավճարով և 3 վարձակալության պայմանագրեր 0.05հա արոտների համար՝ 1440.0հազ.դրամ վարձավճարով:

Համայնքային սեփականություն հանդիսացող գյուղատնտեսական նշանակության 41.98հա վարելահողերը և 119.36հա արոտները օրենքով սահմանված կարգով վարձակալության տրամադրված չեն:

Համայնքային սեփականություն հանդիսացող գյուղատնտեսական նշանակության հողերի համար՝

01.03.2010–31.12.2010թ. ժամանակահատվածում բյուջեով նախատեսված 1857.5հազ.դրամ վարձավճարի դիմաց անհատական անդորրագրերով գանձվել է 1315.2հազ դրամ, համայնքի հաշվարկային հաշվին մուտքագրվել է 1302.9հազ. դրամ: Նույն ժամանակահատվածում վարձակալների կողմից համայնքի հաշվարկային հաշվին մուտքագրվել է 1784.0հազ. դրամ գումար: Ընդամենը համայնքի հաշվարկային հաշվին մուտքագրվել է 3086.9հազ դրամ, այսինքն՝ բյուջեով նախատեսվածից ավել է մուտքագրվել 1229.4հազ.դրամ:

2011թ. բյուջեով նախատեսված 3039.0հազ. դրամ վարձավճարի դիմաց անհատական անդորրագրերով գանձվել է 1521.2հազ դրամ , համայնքի հաշվարկային հաշվին մուտքագրվել է 1509.2հազ. դրամ: Նույն ժամանակահատվածում վարձակալների կողմից համայնքի հաշվարկային հաշվին մուտքագրվել է 1380.0հազ. դրամ գումար: Ընդամենը համայնքի հաշվարկային հաշվին մուտքագրվել է 2889.2հազ դրամ, այսինքն՝ բյուջեով նախատեսվածից պակաս է մուտքագրվել 149.8հազ.դրամ:

2012թ. բյուջեով նախատեսված 2931.0հազ. դրամ վարձավճարի դիմաց անհատական անդորրագրերով գանձվել է 1590.8հազ դրամ, համայնքի հաշվարկային հաշվին մուտքագրվել է 1582.6հազ. դրամ: Նույն ժամանակահատվածում վարձակալների կողմից համայնքի հաշվարկային հաշվին մուտքագրվել է 1350.0հազ. դրամ գումար: Ընդամենը համայնքի հաշվարկային հաշվին մուտքագրվել է 2932.6հազ դրամ, այսինքն՝ բյուջեով նախատեսվածից ավել է մուտքագրվել 1.6հազ.դրամ:

01.01.2013-01.06.2013թ. դրությամբ բյուջեով նախատեսված 600.0հազ.դրամ վարձավճարի դիմաց անհատական անդորրագրերով գանձվել է 125.5հազ դրամ գումար, համայնքի հաշվարկային հաշվին մուտքագրվել է 122.2հազ. դրամ: Նույն ժամանակահատվածում վարձակալների կողմից համայնքի հաշվարկային հաշվին մուտքագրվել է 570.0հազ. դրամ գումար: Ընդամենը համայնքի հաշվարկային հաշվին մուտքագրվել է 692.2հազ դրամ, այսինքն՝ բյուջեով նախատեսվածից ավել է մուտքագրվել 92.2հազ.դրամ:

01.01.2013 թվականի դրությամբ վարձավճարի ապառքներ չկան:

01.03.2010թ.-01.06.2013թ. ժամանակահատվածում համայնքային և պետական սեփականություն համարվող հողամասերի օտարում չի իրականացվել:

- 3) Լուսակերտի համայնքի գյուղացիական տնտեսություններում հաշվառված 534 գլուխ խոշոր եղջերավոր անասունների առկայության պայմաններում 119.36հա արոտները ՀՀ օրենսդրությամբ սահմանված կարգով օգտագործման տրամադրված չէ: Համայնքի ղեկավարի կողմից անհրաժեշտ միջոցներ չի ձեռնարկվել ապօրինի հողօգտագործումը

կանխելու և արոտի օգտագործումը օրենքով սահմանված կարգով կազմակերպելու ուղղությամբ:

- 4) 01.03.2010թ.-01.06.2013թ. ժամանակահատվածում համայնքի ղեկավարի կողմից ապօրինի հողօգտագործման դեպքեր չեն արձանագրվել:
- 5) Օրենքով սահմանված կարգով իրականացվել է համայնքի վարչական սահմաններում գտնվող հողամասերի ընթացիկ հաշվառման և համայնքի հողային հաշվեկշռի կազմման գործընթացներ:
- 6) Համայնքի վարչական տարածքում գտնվող թվով 1 գեոդեզիական ցանցի կետի պահպանության նկատմամբ իրականացվել է վերահսկողություն:

4. Տրանսպորտի բնագավառ

- 1) Համայնքային ենթակայության ճանապարհների, ճանապարհային երթևեկության կազմակերպման կահավորանքի ու այլ տեխնիկական միջոցների, կամուրջների ու ինժեներական այլ կառույցների պահպանման և շահագործման կազմակերպման գործառույթներ չեն իրականացվել:
- 2) Համայնքի հասարակական տրանսպորտի աշխատանքի ու համայնքային ենթակայության տրանսպորտային հիմնարկների և կազմակերպությունների գործունեության կազմակերպման և կառավարման գործառույթներ չեն իրականացվել:
- 3) Իրավասու մարմինների ներկայացմամբ համայնքի տարածքում ճանապարհային երթևեկության նշանների տեղակայման ու հանման հաստատման և թույլատրման գործառույթներ չեն իրականացվել:
- 4) Հայաստանի Հանրապետության կառավարության սահմանած կարգով և Հայաստանի Հանրապետության ավտոմոբիլային ճանապարհների անվանացանկում ընդգրկված ճանապարհների մաս հանդիսացող տարանցիկ ճանապարհներին վերաբերող մասով լիազոր մարմնի հետ համաձայնեցնելուց հետո համայնքում ճանապարհային երթևեկության կազմակերպման սխեմա չի կազմվել և համայնքի ավագանու հաստատմանը չի ներկայացվել (համայնքային ենթակայության ճանապարհների մասով) և այդ սխեմային համապատասխան անվտանգ երթևեկության կազմակերպման համար անհրաժեշտ ճանապարհային երթևեկության կազմակերպման կահավորանքի ու այլ տեխնիկական միջոցների տեղադրման վերաբերյալ որոշումներ չեն կայացվել:

7. Այլ բնագավառներ

- 1) Վերոնշյալ ժամանակահատվածում համայնքի ղեկավարի կողմից հրավիրվել և անցկացվել են համայնքի ավագանու 43 նիստեր:

Համայնքի ավագանու 2011 թվականի ապրիլի 4-ի թիվ 7-Ն որոշմամբ աճուրդ վաճառքով օտարվել է համայնքի սեփականություն համարվող S-70U մակնիշի թրթուրավոր տրակտորը: Համայնքի ավագանու կողմից համապատասխան

արձանագրություն չի կազմվել համայնքի սեփականության ամենամյա գույքագրման փաստաթղթերում կատարված փոփոխության վերաբերյալ:

Համայնքի ավագանին գյուղապետարանի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը համապատասխան որոշումներով հաստատելուց հետո է սահմանել համայնքի ղեկավարի վարձատրության չափը: Այնինչ, համայնքի ավագանին սահմանված կարգով համայնքի ղեկավարի վարձատրության չափը սահմանելուց հետո պետք է հաստատեր գյուղապետարանի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը:

Առանձին որոշումներ <<Իրավական ակտերի մասին>> ՀՀ օրենքի 43 հոդվածին համապատասխան չեն պարունակում հղումներ կամ կիրառված հղումները թերի են:

Համայնքի ավագանու նիստերի արձանագրությունների գրանցամատյանները համարակալված, թելակարված և կնիքված չեն համայնքի ղեկավարի կողմից:

- 2) Համաձայն «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 1' կետի դրույթների՝ համայնքի ղեկավարն անհատական ակտեր ընդունելուց հետո դրանք սահմանված ժամկետում է ուղարկել համայնքի ավագանու անդամներին և փակցրել համայնքի ավագանու նստավայրում:
- 3) Համայնքի ղեկավարի կողմից օրենքով սահմանված ժամկետում կազմվել և համայնքի ավագանու հաստատմանն է ներկայացվել համայնքի 2011-2014թթ. զարգացման ծրագիրը:
- 4) Համայնքի ղեկավարը խախտել է «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 4-րդ կետի դրույթները և համայնքի ավագանու հաստատմանը չի ներկայացրել գյուղապետարանի աշխատակազմի կանոնադրությունը հաստատելու մասին որոշման նախագիծը:
- 5) Համայնքի ղեկավարի կողմից աշխատակազմի կառուցվածքի վերաբերյալ որոշման նախագիծ և դրանում առաջարկվող փոփոխություն ավագանու հաստատմանը չի ներկայացվել, դրա անհրաժեշտությունը չլինելու պատճառով:
- 6) Համայնքի ղեկավարը աշխատակազմի աշխատակիցների թվաքանակի, հաստիքացուցակի և պաշտոնային դրույքաչափերի վերաբերյալ որոշումների նախագծերը 2011, 2012 և 2013 թվականների համար ներկայացրել է համայնքի ավագանու հաստատմանը:
Համայնքի ղեկավարի կողմից աշխատակազմի աշխատակիցների պաշտոնային դրույքաչափերի փոփոխությունների վերաբերյալ որոշումների նախագծերը ներկայացվել է համայնքի ավագանու հաստատմանը:
- 7) Համայնքի ղեկավարի կողմից համայնքային ենթակայության բյուջետային հիմնարկների և ոչ առևտրային կազմակերպությունների ստեղծման, վերակազմակերպման կամ լուծարման մասին որոշման նախագծեր համայնքի ավագանու հաստատմանը չի ներկայացվել:

- 8) Համայնքի ղեկավարի կողմից համայնքային ենթակայության առևտրային կազմակերպությունների խորհրդների և վերստուգիչ մարմինների կազմերի վերաբերյալ որոշման նախագծեր համայնքի ավագանու հաստատմանը չի ներկայացվել:
- 9) Վերոնշյալ ժամանակահատվածում համայնքի ղեկավարի տեղակալի, գյուղապետարանի աշխատակազմի քարտուղարի, կառուցվածքային և առանձնացված ստորաբաժանումների ղեկավարների պաշտոնների նշանակման և ազատման կարգադրություններ չեն եղել:
- 10) Համայնքի բյուջետային հիմնարկների ղեկավարների պաշտոնների նշանակման և ազատման վերաբերյալ համայնքի ավագանին որոշումներ չի կայացրել:
- 11) Համայնքի ղեկավարի կողմից տեղական հանրաքվե նշանակելու մասին որոշման նախագիծ համայնքի ավագանու հաստատմանը չի ներկայացվել:
- 12) Վերոնշյալ ժամանակահատվածում համայնքի ղեկավարի կողմից Հայաստանի Հանրապետության կամ այլ պետությունների համայնքների հետ համագործակցության մասին պայմանագրեր չեն կնքվել: Միջհամայնքային միավորում ստեղծելու, ինչպես նաև համայնքների հիմնադրած միություններին անդամակցելու և դրանց անդամավճարները մուծելու մասին որոշման նախագծեր ավագանու հաստատմանը չի ներկայացվել:
- 13) Համայնքի ղեկավարի 2011 թվականի մարտի 15-ի թիվ 6 որոշմամբ համայնքի ավագանուն առաջարկություն է ներկայացվել համայնքի սեփականություն համարվող S-70U մակնիշի թրթուրավոր տրակտորը աճուրդ վաճառքով օտարելու մասին:
- 14) Համայնքի ղեկավարի կողմից Հայաստանի Հանրապետության և օտարերկրյա քաղաքացիներին համայնքի պատվավոր քաղաքացու կոչում շնորհելու վերաբերյալ համայնքի ավագանուն առաջարկ չի ներկայացվել:
- 15) Համայնքի ղեկավարի կողմից համայնքի, փողոցների, պողոտաների, հրապարակների, զբոսայգիների, համայնքային ենթակայության կրթական, մշակութային և այլ հիմնարկների անվանման և վերանվանման վերաբերյալ համայնքի ավագանուն առաջարկ չի ներկայացվել:
- 16) Վերոնշյալ ժամանակահատվածում համայնքի ղեկավարը շինությունների համարակալման (հասցեավորման) վերաբերյալ կայացրել է թվով 5 որոշումներ:
- 17) Համայնքի ղեկավարի կողմից ընդունվել է 30 որոշում և արձակվել 12 կարգադրություն:
Համաձայն «Իրավական ակտերի մասին» ՀՀ օրենքի 43-րդ հոդվածի դրույթների՝ համայնքի ղեկավարի որոշումները և կարգադրությունները չեն պարունակում հղումներ, թե դրանք ՀՀ օրենսդրության որ նորմատիվ իրավական ակտի մասի համաձայն կամ ի կատարումն են ընդունվել կամ կատարված հղումները թերի են:
Առանձին որոշումներում խախտվել են իրավական ակտերի հերթական համարները: Համաձայն «Իրավական ակտերի մասին» Հայաստանի Հանրապետության օրենքի 38-րդ հոդվածի 2-րդ մասի՝ իրավական ակտի հերթական համարը սահմանում է իրավական ակտն ընդունող մարմինը՝ միայն արաբական թվանշաններով: Համարների հերթականությունը վերսկսվում է յուրաքանչյուր տարվա հունվարի 1-ից:

Համայնքի ղեկավարը վերազանցելով իր լիազորությունները 2011 թվականի հուլիսի 29-ի թիվ 24 կարգադրությամբ Մովսես Մովսիսյանին աշխատանքի է ընդունել որպես համակարգչային օպերատոր և 2012 թվականի հուլիսի 30-ին վերջինիս ազատել է աշխատանքից այն դեպքում, երբ այդ գործառույթի իրավասությունը վերապահված է գյուղապետարանի աշխատակազմի քարտուղարին:

Համայնքի ղեկավարը խախտելով «Համայնքային ծառայության մասին» ՀՀ օրենքի 8-րդ հոդվածի 2-րդ մասի 2.2-րդ կետի դրույթները՝ համապատասխան կարգադրություններով գյուղապետարանի աշխատակազմի համայնքային ծառայողներին շնորհել է 1-ին և 2-րդ դասի կրտսեր ծառայողի դասային աստիճաններ, երբ այդ գործառույթի իրավասությունը վերապահված է գյուղապետարանի աշխատակազմի քարտուղարին:

- 18) Օրենքով, կառավարության սահմանած կարգով ինքնուրույն և սեփական պատասխանատվությամբ որպես պետության պատվիրակած լիազորություն, համայնքի ղեկավարի կողմից կազմակերպվել և ղեկավարվել է համայնքում անասնաբուժական ծառայությունը: Համայնքի ղեկավարի կողմից անհրաժեշտ միջոցներ են ձեռնարկվել համայնքի տարածքում անասնաբուժական ծառայության, հակահամաճարակային միջոցառումների, կենդանիների հիվանդությունների կանխարգելման աշխատանքների կազմակերպման ուղղությամբ:
- 20) Համայնքի ղեկավարի կողմից համայնքի քաղաքաշինական, բնապահպանական, գյուղատնտեսական և այլ կադաստրների վարման աշխատանքներ չեն իրականացվել:
- 21) Համայնքի ղեկավարի կողմից անհրաժեշտ միջոցներ են ձեռնարկվել օրենքով կամ կառավարության սահմանած կարգով քաղաքացիական պաշտպանության, հակահամաճարակային և կարանտինային միջոցառումների, ինչպես նաև տեխնոլոգիական և տարերային աղետների վտանգների նվազեցման ու հետևանքների վերացման հետ կապված աշխատանքների կազմակերպման ուղղությամբ:

Համայնքի ղեկավարի 2011 թվականի մայիսի 30-ի թիվ 7 որոշմամբ համայնքում ստեղծվել է քաղաքացիական պաշտպանության շտաբ, տարհանման հանձնաժողով և քաղաքացիական պաշտպանության կազմավորումներ:

- 22) Գյուղապետարանում սահմանված կարգով վարվում է համայնքի բնակիչների հաշվառման գիրք (ծխամատյան) և կազմակերպվում է համայնքի բնակիչների հաշվառումը:
- 23) Վերոնշյալ ժամանակահատվածում համայնքի ղեկավարի կողմից համայնքի շահերն այլ անձանց հետ փոխհարաբերություններում, ինչպես նաև դատարանում ներկայացնելու դեպքեր չեն արձանագրվել:
- 24) Համայնքի տեղական ինքնակառավարման մարմինների կողմից կատարվում են քաղաքացիների ընդունելություն, օրենքով սահմանված կարգով քննության են առնվում քաղաքացիների առաջարկությունները, դիմումներն ու բողոքները և ձեռնարկվում են համապատասխան միջոցներ:

- 25) Համայնքի ղեկավարը խնամակալության և հոգաբարձության հանձնաժողով ստեղծելու և հանձնաժողովի անհատական կազմը (5-9-ը անձ) հաստատելու մասին որոշման նախագիծը սահմանված կարգով ներկայացրել է համայնքի ավագանու հաստատմանը /ավագանու որոշում՝ 14.07.2011թ. թիվ 17-Ա/: Որոշման հղումը սխալ է կատարված: Որոշումն ընդունելիս ավագանին պետք է ղեկավարվեր Հայաստանի Հանրապետության կառավարության 2011 թվականի փետրվարի 24-ի թիվ 164-Ն որոշմամբ հաստատված «Խնամակալության և հոգաբարձության մարմինների կանոնադրության» 3-րդ կետի դրույթներով, համաձայն որի՝ ավագանին հաստատում է խնամակալության և հոգաբարձության հանձնաժողովի անհատական կազմը /ոչ թե նոր կազմի թեկնածուներ է առաջադրում/:
- 26) Համայնքի ղեկավարի կողմից անհրաժեշտ միջոցներ են ձեռնարկվել համայնքում երեխաների ծնունդների չգրանցման դեպքերը բացահայտելու և այդ ծնունդների պետական գրանցումներն ապահովելու ուղղությամբ, օրենքով սահմանված դեպքերում և կարգով համայնքի ղեկավարի կողմից տրվել են երեխայի ծննդի պետական գրանցման վերաբերյալ գրավոր հայտարարություններ:
- 27) Գյուղապետարանում օրենքով սահմանված կարգով վարվում է համայնքի զինապարտների գրանցամատյան, նրանց վերաբերյալ ցուցակները, ինչպես նաև համայնքի բնակության վայրի հաշվառումից հանվելու, աշխատանքի ընդունվելու և աշխատանքից ազատվելու վերաբերյալ տվյալները ներկայացվել են տարածքային զինվորական կոմիսարիատ:

ԿԱԴՐԱՅԻՆ ԳՈՐԾԻ ՎԱՐՈՒՄ

1. Համայնքի ղեկավարը խախտել է «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 4-րդ կետի դրույթները և համայնքի ավագանու հաստատմանը չի ներկայացրել գյուղապետարանի աշխատակազմի կանոնադրությունը հաստատելու մասին որոշման նախագիծը:
2. ՀՀ կառավարության սահմանված կարգով գյուղապետարանում վարվում են համայնքի ղեկավարի և համայնքի ավագանու իրավական ակտերի հաշվառման մատյաններ:
Վերոնշյալ ժամանակահատվածում համայնքի ղեկավարի կողմից ընդունվել է 30 որոշում և արձակվել 12 կարգադրություն:
Գյուղապետարանում վարվող գրանցամատյանները սահմանված կարգով համարակալված, թելակարված և հաստատված են համայնքի ղեկավարի կողմից:
3. Ուսումնասիրության ենթարկված բոլոր իրավական ակտերը գրառված են իրավական ակտերի հաշվառման մատյաններում:
4. Լուսակերտի համայնքն առանձնացված ստորաբաժանումներ չունի:
5. Լուսակերտի գյուղապետարանի աշխատակազմի համայնքային ծառայության պաշտոնները թվով 4-ն են՝ աշխատակազմի քարտուղար, աշխատակազմի առաջատար

մասնագետ, աշխատակազմի 1-ին կարգի մասնագետ և աշխատակազմի 2-րդ կարգի մասնագետ: Գյուղապետարանի աշխատակազմի համայնքային ծառայության պաշտոնների մասով հաստիքացուցակը համապատասխանում է համայնքային ծառայության պաշտոնների անվանացանկին, ինչպես նաև պաշտոնային դրույքաչափերը համապատասխանում են «Համայնքային ծառայության մասին» ՀՀ օրենքի 27-րդ հոդվածի և «Նվազագույն ամսական աշխատավարձի մասին» ՀՀ օրենքի պահանջներին:

6. Համայնքի ղեկավարը 2010 թվականի մայիսի 23-ի թիվ 5 որոշմամբ հաստատել է գյուղապետարանի աշխատակազմի քարտուղարի պաշտոնի անձնագիրը:

Գյուղապետարանի աշխատակազմի համայնքային ծառայողների պաշտոնների անձնագրերում կատարված փոփոխությունների վերաբերյալ արձանագրություն չի կազմվել:

Վերոնշյալ ժամանակահատվածում համայնքային ծառայության պաշտոնների անվանացանկից պաշտոններ չեն հանվել և նոր պաշտոններ չեն ավելացվել:

7. Համայնքային ծառայողների անձնական գործերի վարումը իրականացվել է ՀՀ տարածքային կառավարման նախարարի կողմից սահմանված կարգի խախտումներով:

Անձնական գործերից բացակայում են վերգիրները, համայնքային ծառայության պաշտոններում նշանակվելու համար համայնքային ծառայողների դիմումները, համայնքային ծառայողի կողմից իր անձնական գործի բոլոր նյութերին և իր գործունեության գնահատականներին ծանոթացված լինելու մասին վկայող փաստաթղթերը, տվյալ պաշտոնում նշանակելու, փորձաշրջան սահմանելու, համապատասխան դասային աստիճան շնորհելու մասին իրավական ակտերը:

8. Համայնքային ծառայության մրցութային և ատեստավորման հանձնաժողովների անհատական կազմի, ինչպես նաև համայնքի ավագանու կողմից հանձնաժողովի կազմում ընդգրկվող համայնքի ավագանու անդամների քանակական և անհատական կազմի հաստատման վերաբերյալ արձանագրություններ չեն կազմվել և 20-օրյա ժամկետում չի հրավիրվել հանձնաժողովի աշխատակարգային նիստ ու չի ընտրվել հանձնաժողովի նախագահի տեղակալ:


9. Համայնքի ղեկավարը համայնքային ծառայության մրցութային և ատեստավորման հանձնաժողովների աշխատակարգերը հաստատելու մասին որոշումներ չի կայացրել:


10. Համայնքի ղեկավարի կողմից սահմանված կարգով չի հաստատվել աշխատակազմի աշխատանքային կարգապահական ներքին կանոնակարգը:


11. Գյուղապետարանի աշխատակազմում չեն վարվում համայնքային ծառայության թափուր տեղերի համար անցկացվող մրցութային դիմած քաղաքացիների տվյալների գրառման, համայնքային ծառայողների վերապատրաստման հաշվառման, ինչպես նաև համայնքային ծառայողների անձնական գործերի հաշվառման մատյաններ:


12. Համայնքային ծառայության պաշտոնները զբաղեցնողների կրթությունը, համապատասխան ստաժը և այլ տվյալներ համապատասխանում են համայնքային ծառայության մասին Հայաստանի Հանրապետության օրենսդրության և տվյալ պաշտոնի անձնագրի պահանջներին:


13. Համայնքի ղեկավարի կողմից ՀՀ Շիրակի մարզպետարան ներկայացված գրանցամատյանային (Ձև NN 1, 2) տվյալները արժանահավատ են:
14. Վերոնշյալ ժամանակահատվածում համայնքային ծառայության թափուր պաշտոններ չեն առաջացել:
15. Գյուղապետարանում սահմանված կարգով վարվում է զինապարտ քաղաքացիների հաշվառման գրանցամատյան:
16. Վերոնշյալ ժամանակահատվածում Հայաստանի Հանրապետության տարածքային կառավարման նախարարության կողմից համայնքում թերություններ չեն հայտնաբերվել:


 Կ. ԱՐՐԱՀԱՄՅԱՆ

 Հ. ՄԱՐՏԻՐՈՍՅԱՆ

 Գ. ՀԱՐՈՒԹՅՈՒՆՅԱՆ

 Ա. ՍԱՐԳՍՅԱՆ

 Ն. ՄԱՐՏԻՐՈՍՅԱՆ

 Ա. ՀԱՐՈՒԹՅՈՒՆՅԱՆ

 Ս. ՄԵԼՈՅԱՆ

 Ս. ԲԱԼԱԲԵԿՅԱՆ